

# «Nus vivin aunc adina»

Il Teater Giuven Grischun porscha per la secunda ga cuors da teater per giuvenils

■ (anr/sr) Il Teater Giuven Grischun (TGG) va ella secunda runda e porscha a Cuera e Glion cuors da teater per giuvenils. Quest meins han ils dis d'informaziun cun in'emprema empreva da teater liug. En sia secunda sesiun sefatschenta il TGG culla tematica dalla fin dil mund e dall'apocalipsa – tenor il motto – «nus vivin aunc adina». Il Teater Giuven Grischun lantschescha per la secunda ga cuors da teater per giuvenils. Mardis, ils 23 d'october dallas 18.30 – 21.00, ha liug a Cuera ina informaziun cun empreva. Janina Offner e Roman Weishaupt envidan tut ils giuvenils interessai denter 16 e 24 onns el local d'empreva al Hohenbühlweg 4. L'informaziun pil cuors da teater a Glion ha liug mesjamna, ils 24 d'october dallas 18.45 – 21.15 el local d'empreva dall'antieriura Scola da tgira ella Spitalgasse 7. A Glion ein giuvenils denter 14 e 21 onns beinvegni e vegnan informai da Sara Francesca Hermann e Roman Weishaupt. Avon ch'ils cuors da teater entscheivien, porscha il TGG aunc ina fin da jamna da fuffergnar. Quei fuffernadi ei buca obligatorics e vala era sco entrada per interessai che han buca giu la pusseivladad da frequentar las informaziuns. La fin da jamna da fuffernadi ha liug ils 27 e 28 d'october a Cuera (mintgamai dallas 13.00 – 16.00). Allas 17.00 ha liug ina presentaziun. Suenter quell'entschatta sedecidan ils giuvenils schebein els vulan prender part als cuors da teater. Il cuors a Cuera ha mintgamai liug ils mardis sera e vegn menaus dalla pedagoga da teater Janina Offner. Il cuors a Glion ha liug las mesjamnas sera e vegn menaus dall'actura da moviment Sara Francesca Hermann. Roman Weishaupt, il pedagog da

**Il Teater giuven grischun porscha puspei cuors da teater per giuvenils a Cuera, Glion e Zuoz.**

MAD



teater e menader dil TGG, vegn ad acumpignar omadus cuors. Plinavon meina el a partir dil schaner in cuors da teater per giuvenils a Zuoz en l'Engiadina.

### Scenaris dalla fin dil mund

Quella ga s'occupa il Teater Giuven Grischun culla tematica dalla fin dil mund e dall'apocalipsa – nus vivin aunc adina! «Enconuschentamein va il mund sutsu ils 21 da december 2012», scriva il TGG en in communicau a las medias. Il mitic calender dils Maya va a fin quei di: «Mo tgei schabegia sch'il mund semova tut normal era suenter il datum dalla fin dil

mund annunziada?» Gest ils giuvenils tschentien adina puspei las damondas suenter il senn dalla veta: Tgei fa mia veta aschi digna da viver? Tgei fagess jeu, sch'il mund mass sutsu damaun? Tgei ei mia fin dil mund tut persunala? Quella tscherca da rispostas semanifesteschi en diaris, en blogs, en forums da chat, inscenaziuns da sesez ni schizun en mutilaziuns da sesez. «Igl ei paradox mo gest ils

giuvenils – che stattan all'entschatta da lur veta – paran d'esser fetg sensibilisai per scenaris dalla fin dil mund», scriva il TGG vinavon. Temas existenzialas fetg persunalas, ed intensivs sentiments da dolur universalas semanifesteschan en gronds ed eterns scenaris dalla fin dil mund: Seigi quei da quels creai dils humans, sco la midada dil clima ni la catastrofa atomara ni scenaris che ein d'at-

tribuir a forzas surordinadas sco l'apocalipsa ni eba la fin dil calender dils Maya ils 21 da december 2012. La damonda setschent adina puspei: «Cu eis ei ussa finalmein mo per propi definitivamein e per adina finiu?»

**Giuvenils interessai san s'informar per mail e s'annunziar tier: roman.weishaupt@jungestheater.gr. Ulterius informaziuns: www.jungestheater.gr.**

## Annunzias pil cuors e cuosts

Pil cuors pagan ils giuvenils ina taxa da basa da 390 francs. Il TGG garantescha in trenament da teater che vegn menaus a moda professionala e cuntegn era la scolaziun da percepir il tgerp, scolaziun dalla vusch, da teater, moviment ed expressiun e naturalmein era d'improvvisaziun. Intensivas emprevas durent fins da jamna ed emprevas finalas arrunde-schan il trenament. Ei dat silmeins treis produzioni per cuors. Entras la

coproduziun cul Teater Cuera vegnan ils giuvenils a saver sepresentar sin la tribuna gronda. A Glion vegn la produziun realisada en collaboraziun cul Cinema Sil Plaz. A Zuoz vegn collaborau cul «Zuoz Globe» ed ils giuvenils san sepresentar leu el teater pign e fin. Tuts participonts dil cuors survegnan ina carta da commembers e san aschia entrar per prezis reduci el Teater Cuera.

## Igl expert surselva ei entretschaus

■ (cp) A caschun dall'ILHGA 2012, che ha giu liug la fin d'jamna vargada, ei igl expert surselva sepresentaus cun in stan tut aparti: per visualisar igl entretschament adina pli ferm denter las televisiuns ed igl internet, ha la fatschenta da radios e televisiuns a Glion

pachetau siu stan en caltschiel. Ils ver 200 meters caltschiel ha ina gruppa da dunnas dalla Casa da tgira Sursassiala a Mustér fatg. In grond compliment allas dunnas che han cun lur engaschi possibilitau da realisar in'idea innovativa.



Las artistas diligentas han visitau il stan all'ILHGA 2012 a Glion.

MAD

reclama



## Wissen Sie, was morgen ist?

Stehen stürmische Zeiten bevor oder geht es mit der Wirtschaft wieder aufwärts? Wir wissen es nicht. Deshalb konzentrieren wir uns auf das, was alles sein könnte. Wir denken in Szenarien, um Ihr Vermögen zu schützen.

[www.notenstein.ch/szenarien](http://www.notenstein.ch/szenarien)



**NOTENSTEIN**  
PRIVATBANK

ST.GALLEN BASEL BERN CHIASSO CHUR GENÈVE LAUSANNE LOCARNO  
LUGANO LUZERN SCHAFFHAUSEN WINTERTHUR ZÜRICH